

大清會典

內務府



大清會典卷之

內務府

掌儀司一

凡饗

奉先殿之禮。

國初定鼎燕京。崇建

太廟。以奉

列祖。歲時祫饗。又建

奉先殿於

大內



景運門之東。朔望瞻拜。時節薦新。生忌祭饗。出入啓告。以展孝思。

前殿

後殿均九間。中爲堂以聯前後。繚以周垣。前殿設

列聖

列后。龍鳳神寶座。邊豆案。香帛案。祝案。尊案。

後殿同殿異室。各設神龕。寶牀。寶倚。禪施。前設供案。鐙檠。均如事生之儀。中室奉安。

太祖高皇帝神位於左。

孝慈高皇后神位於右。左室奉安
太宗文皇帝神位於中。
孝端文皇后神位於左。
孝莊文皇后神位於右。右室奉安
世祖章皇帝神位於中。
孝惠章皇后神位於左。
孝康章皇后神位於右。左第二室奉安
聖祖仁皇帝神位於中。
孝誠仁皇后神位於左。
孝昭仁皇后神位於右。

孝懿仁皇后神位於左次。

孝恭仁皇后神位於右次。右第二室。奉安。

世宗憲皇帝神位於左。

孝敬憲皇后神位於右。左第三室。奉安。

孝賢皇后神位。均南嚮。

凡朔望。

皇太后聖壽。

萬壽聖節。元旦。冬至。及國有大慶。均恭奉。

列聖

列后神牌於

前殿祭饗。祭畢。還御。

後殿寢室。

前殿正中設。

太祖高皇帝位於左。

孝慈高皇后位於右。左間設。

太宗文皇帝位於右。次。

孝端文皇后位。次。

孝莊文皇后位。右間設。

世祖章皇帝位於左。次。

孝惠章皇后位。次。

孝康章皇后位。左第二間設。

聖祖仁皇帝位於右。次。

孝誠仁皇后位。次。

孝昭仁皇后位。次。

孝懿仁皇后位。次。

孝恭仁皇后位。右第二間設。

世宗憲皇帝位於左。次。

孝敬憲皇后位。均南嚮。

帝后同案。左第三間設。

孝賢皇后位。西嚮。皆登一。劍一。簋二。簋二。籩十有二。

豆十有二。篚一。鑪一。鐙二。各奉先制帛一。孝賢

皇后用尊一。金爵三。金匕一。金箸二。帛共篚尊

素帛實酒。疏布。冪。勺。具。其登。劍。簋。籩。籩。豆。尊。篚。陳設。

一如

太廟之制。惟不設牲俎。不行飲福受胙禮。王公百官不

陪祀。祭前一日。本司官率所屬。進祝版於

神庫祝案。乃省盞展器。剗牲瘞毛血。樂部設中和

韶樂於

殿階上。分左右懸。祭日。讀祝官詣

神庫祝案前。行一跪三叩禮。恭奉祝版。贊禮郎二

人前引。由

奉先門中門入。進

殿中門。跪。設於西旁祝案。三叩退。內府奉請

神牌各官。進至

後殿內。各就

寢室前。上香。一跪三叩。恭奉

神牌。依次行至

前殿。各依次奉安於

寶座。一跪三叩退。司拜褥官。設

御拜褥於

殿門內正中。及各香案前。掌儀司官。詣

乾清門告時。

皇帝御袞服。乘金輿出宮。由

景運門至

誠肅門降輿。前引大臣十人。次贊引太常卿二人。

恭導

皇帝入

奉先門左門。後扈大臣二人。及豹尾班侍從。內監跪進

盥盤。悅巾。

皇帝盥手。由左階陞。進至

殿內拜褥前。北嚮立。豹尾班侍衛。至階下左右。前引
十大臣。至

殿陛上兩旁。均止立。東西面。後扈二大臣隨入於

皇帝後兩旁。僉立。典儀官贊樂舞生登歌。執事官各

供廼職。引舞官二人執旌節。引武舞八佾進。贊

引官奏就位。

皇帝就拜褥上立。典儀官贊迎

神司香官各奉香盤進。贊樂官唱舉迎

神樂。奏貽平之章。司香官進至各香案旁立。贊引官奏

就上香位。恭導

皇帝詣

太祖高皇帝香案前。司香官跪進香。贊引官奏跪。

皇帝跪。奏上香。

皇帝上柱香。次三上瓣香。興。以次詣

列聖香案前。上香。儀同。贊引官奏復位。各香案司拜褥

官起拜褥。

皇帝復位。奏跪。拜興。

皇帝行三跪九拜禮。

孝賢皇后位。司香官奉香盤進。贊引官恭導

皇帝詣

孝賢皇后香案前。司香官跪進香。

皇帝立上柱香。次三上瓣香。恭導。

皇帝復位。樂止。典儀贊奠帛爵。行初獻禮。司帛侍衛

奉篚。司爵侍衛奉爵。以次進。北面立。贊樂官唱

舉初獻樂。奏敕平之章。樂作。舞干戚之舞。司帛

詣

列聖

列后神位前跪。奠帛篚於案。三叩。司爵詣案前立。獻爵。

奠於爵墊正中。皆退。司祝至祝案前跪。三叩。奉

祝版跪案左。樂暫止。贊引官奏跪。

皇帝跪。贊引官贊讀祝。司祝讀祝畢。

祝版內不書孝賢皇后諡

號。奉祝版詣

太祖神位前跪。安於帛篚。三叩退。贊引官奏拜。興樂作。

皇帝行三拜禮。興樂止。武功之舞退。引舞官二人執

旌節。引文舞八佾進。典儀官贊行亞獻禮。司爵

奉爵。以次進。贊樂官唱舉亞獻樂。奏敕平之章。

舞羽籥之舞。司爵獻爵。奠於爵墊左。儀如初獻。

樂止。典儀官贊行終獻禮。司爵如前進。贊樂官

唱舉終獻樂。奏紹平之章。舞同亞獻司爵獻爵。奠於

爵墊右。儀如亞獻。樂止。文德之舞退。典儀官贊

大清會典
徹饌贊樂官唱舉徹饌樂奏光平之章樂止贊
禮郎一人趨至中間左旁北面跪奏禮畢請

還宮三叩退贊樂官唱舉

還宮樂奏又平之章贊引官奏跪拜興

皇帝行三跪九拜禮樂止典儀官贊奉祝帛恭送燎
所司祝司帛各詣

神位前跪三叩奉祝奉帛司香跪奉香興恭送燎所贊

引官恭導

皇帝轉立拜位旁西嚮司拜褥官起拜褥候祝帛過
仍設拜褥贊引官恭導

皇帝復位祝帛燎半奏禮成恭導

皇帝由

殿左門

奉先門左門出內府官各詣

神位前行禮恭奉

神牌還御

後殿寢室

皇帝至誠肅門外

陞金輿還宮○遣官行禮奠獻均如前儀贊禮讀祝

用內府贊禮郎如

遣皇子行禮。具補服。至誠肅門。本司官贊禮郎二人前導。

皇子由

奉先門右門入。升西階。至正中行禮。上香。由

殿右門入。祝帛送燎時。避立西旁。祭畢。仍由西階降。

出右門。誠肅門。

遣王公內大臣行禮同。

凡恭上

徽號。

冊立

冊封。

御經筵。

耕藉。

謁

陵巡狩

回鑿。及諸慶典。均祇告於

後殿。前一日。本司官一人。視宰牲。瘞毛血。祭日。陳香

鐙。

神位前各設爵三。籩六。豆二。讀祝官詣

神庫祝案前。一跪三叩。恭奉祝版。贊禮郎二人前

大清會典
引。入

後殿中門跪。設於西旁祝案。三叩退。內監啓
神龕。司拜禱官。設

御拜禱於

後殿門內正中。至時。掌儀司官。詣

乾清門奏請。

皇帝御袞服。乘金輿出宮。由

景運門至

誠肅門降輿。內大臣侍衛前引。後扈如儀。贊引太

常卿二人。恭導

皇帝入

奉先門左門。由

殿東夾道門入。至

後殿左階下。豹尾班止於門外。內監跪進盥盤。帨巾。

皇帝盥手。由左階陞入

後殿左門。至拜禱前。北嚮立。後扈二大臣隨進。在後

僉立。前引十大臣至穿堂內兩旁。東西面立。典

儀官。贊執事官各供廼職。贊引官。奏就位。

皇帝就拜禱上立。司香官。各舉香合進。贊引官。恭導

皇帝詣

大清會典
內務府

太祖寢室香案前立。贊引官奏跪。

皇帝跪。奏上香。

皇帝接香合。拱舉。仍授司香官。興。三上香。贊引官恭導。

皇帝依次詣左右。

寢室前上香。畢。贊引官奏復位。恭導。

皇帝復位。奏跪。拜。興。

皇帝行三跪九拜禮。興。恭導。

皇帝至。

孝賢皇后寢室前立。上香。畢。復位。典儀官贊奠帛爵。

行初獻禮。司帛。爵。侍衛。各奉篚。奉爵。進至

神位前。司帛跪。奠帛於案。三叩。司爵立。獻爵。奠於爵墊。

正中。皆退。司祝進至祝案前跪。三叩。奉祝版跪。

案左。贊引官奏跪。

皇帝跪。贊讀祝。司祝讀祝。畢。奉祝版。詣

太祖寢室前跪。安於帛篚。三叩退。贊引官奏拜。興。

皇帝行三拜禮。興。典儀官贊行亞獻禮。司爵獻爵。奠

於爵墊左。儀同初獻。典儀官贊行終獻禮。司爵

獻爵。奠於爵墊右。儀同亞獻。贊引官奏跪。拜。興。

皇帝行三跪九拜禮。興。典儀官贊奉祝帛。恭送燎所。

大清會典
司祝司帛各詣

神位前一跪三叩。奉祝帛。恭送燎所。贊引官恭導。

皇帝轉立拜位東旁。西嚮。司拜褥官起拜褥。候祝帛

過。仍設贊引官恭導。

皇帝復位。奏禮成。恭導。

皇帝由

後殿左門東夾道。

奉先門左門出。至誠肅門外。

陞金輿還宮。遣官行禮。

皇子具補服。至誠肅門。本司官贊禮郎導引。由

奉先門右門入。由

殿西升穿堂右階。至穿堂正中行禮。上香。由

後殿右門出入。祝帛送燎所時。避立西旁。祭畢。仍由

右門出。

遣王公內大臣行禮同。

凡恭遇

列聖聖誕。

列聖

列后忌辰。及元宵。清明。霜降。除夕等日。於

後殿行禮。

大清會典

內務府

三

神位前各陳香鐙。設酒脯果實。畢。內監啓神龕。內府官設。

御拜褥於

殿內正中。掌儀司官詣

乾清門請

駕。內務府總管、掌儀司官恭導

皇帝入

後殿就位。掌儀司官恭導詣各

寢室。上香復位。行禮。一如祇告儀。均不奏贊。忌辰御素服。節

令御袞服。遣官行禮。與祇告同。

凡立春、端陽、重陽等節。及四月八日。於

後殿陳香鐙。每

神位前設酒脯果實。四月八日。不設酒脯。畢。內監啓

神龕。本司官一人。具補服。上香行禮。

凡祀

堂子之禮。建

堂子於

長安左門外。街門北嚮。內門西嚮。建祭

神殿於正中。南嚮。前為拜

天園殿。殿南正中設

大清會典
大內致祭立杆石座。次稍後。兩翼分設各六行。行各六重。第一重為

皇子致祭立杆石座。次親王。郡王。貝勒。貝子。公。各以次序列。均北嚮。東南建

上神殿。南嚮。歲正朔。

皇帝率王公。滿一品文武官。詣

堂子行拜

天禮。

由禮部豫期請旨。

是日。內府官設

皇帝拜位於

園殿外甬道正中。鴻臚卿率鳴贊官。夾甬道東西面序

立。有司陳香鐙。內務府總管一人。率諸王。一等護衛各一人。豫詣

園殿內進楮帛。鑿儀衛。陳法駕。鹵簿於

午門外。金輦於

太和門階下。日出前十刻。禮部堂官詣

乾清門奏請

皇帝詣

堂子行禮。

皇帝御禮服。乘禮輿出宮。前引大臣十人。後扈大臣二人。豹尾班執槍佩刀侍衛二十人。佩弓矢侍

衛二十人。翊衛如儀。

駕發警蹕。

午門鳴鐘。法駕鹵簿前導。不與行禮之百官。及外藩蒙古王公台吉。朝鮮諸國使臣。咸朝服跪送。導迎鼓吹。設而不作。

皇帝由

堂子街門入。禮部堂官二人恭導。至內門降輿。

皇帝由中門入。至

園殿前。就拜位南嚮立。鴻臚官引王公位。丹陛上。各官位。丹陛下。均南嚮序立。東位西上。西位東上。鴻

臚官奏跪拜興。

皇帝率羣臣行三跪九拜禮。奏禮成。禮部堂官恭導。皇帝出內門。陞輿。法駕鹵簿前導。導迎樂作。奏祐平之章。

皇帝回鑾。王公從。各官以次退。不與行禮之百官。及蒙古王公台吉。諸國使臣。於

午門外跪迎。

午門鳴鐘。王公隨

駕入。至內金水橋。恭候

皇帝還宮。王貝勒貝子。赴

大清會典
乾清門。埃入

坤寧宮祭

神殿行禮。

凡立杆祭

神於

堂子之禮。歲以季春季秋季朔

或二四八十月。或上旬。諏吉。

舉行祭

前一日。有司立杆於

園殿南正中石座。祭日。懸黃幡。繫采繩。綴五色繒百縷。

楮帛二十有七。備陳香鐙。司俎官。由

大內恭請

神位。安奉祭

神殿內。南嚮。陳饎餌九盤。酒琖三。

園殿陳饎餌三盤。酒琖一。楮帛如前數。設

御拜位一於祭

神殿。一於

園殿。設

御座於祭

神殿檐下西旁。鑿儀衛陳法駕鹵簿。日出前十刻。禮部

堂官詣

乾清門奏時。

內務府

大清會典
皇帝御龍袍衮服。乘禮輿出宮。警蹕扈從。如元旦儀。禮部堂官朝服。自街門恭導。

皇帝至內門。降輿。由中門入。至祭

神殿陞階。至檐下就

御座。東嚮坐。王。貝勒。於丹陛上。貝子。入。八分。於丹陛下。均按翼北上。東西面相嚮坐。贊祀二人。先於祭

神殿。次於

園殿內。均九酌獻。三致禱。司俎官率執事奏樂舉和畢。禮部堂官恭導。

皇帝詣祭

神殿。

園殿。贊祀各致祝詞。

皇帝各行一跪三拜禮。王公百官序立丹陛下兩旁。不隨行禮。禮畢。恭導。

皇帝至檐下。就

御座南嚮坐。王公等各就原處列坐。司俎尚膳徹餞。進。尚茶。進福酒。

皇帝飲福受餞畢。分賜王公。各祇受訖。降丹陛下序立。禮部堂官跪奏禮成。恭導。

大清會典
皇帝由中門出。陞輿。奏樂回鑾。百官跪迎。儀均與元旦同。司俎官恭奉。

神位還御如

皇帝不親詣行禮。王公各官不齊集。以贊祀致詞行禮。○王公等致祭日。立杆於各班位石座。至街門外下馬。自內門右門入。坐於西檐前階下。東面。○

大內致祭後。越日。為馬祭

神於

堂子如儀。○官員庶人。不得設立

堂子。有違例致祭。并王公不按爵次爭祭者。論

凡月祭之禮。孟春上旬三日。餘月朔日。

大內遣司俎官。率

堂子官吏。於

圜殿奠獻。饎酒楮帛。贊祀六酌獻。三致禱。司俎官率執事。奏樂舉和。贊祀祝詞行禮如儀。是日。內管領一人。於

上神殿獻饎酒楮帛。親王。郡王。各遣護衛一人。於上神殿獻楮帛。執事者。均令先期齋戒。

凡浴

佛之禮。歲以孟夏上旬八日。司俎官率執事人等。自

大內請

佛至

堂子祭神殿。陳香盤。獻饎酒。王公各遣人獻饎。執事設

盥盤。贊祀二人浴

佛畢。六酌獻。三致禱。如儀。禮畢。奉

佛還御。是日。

大內及軍民人等。不祈禱。不祭神。禁屠宰。不理刑名。

凡

大內祭

神之禮。奉晨祀

神位於祭

神殿。東嚮。奉夕祀

神位於西北。南嚮。日昧。爽於晨祀

神位前設饎餌九盤。尊一。琖三。鑪三。寅刻。進二豕於庭。

贊祀。就

神位酌獻祝禱。司俎官率所屬奏樂舉和。畢。贊祀跪致

詞。迺封牲。先薦血。次熟而薦於俎。贊祀酌獻致

詞。行禮畢。徹饌分胙。如儀。申刻。於夕祀

神位前陳琖五。鑪五。不酌獻。祝禱時。伐鼓。餘均與朝薦

同。

皇帝躬祭

壇

廟。齋戒日。忌辰。清明。禁屠日。不祭。餘皆日以爲常。月朔之翼日。昧爽。立杆於庭。陳豕一以祀。

天。司祝致詞。畢。刲牲。先薦血。次倫膚爲膾。並炊穀飯。以薦。司祝致詞如前。○歲以四五月。用馬牛金幣。

祇薦於

神。贊祀。致詞如儀。

凡出師展拜

堂子之禮。

皇帝親征。諏吉啓行。內府官豫設

御拜位於

園殿外。及內門外。

御營黃龍大纛前。兵部陳螺角。鑿儀衛陳鹵簿。均如儀。

皇帝先詣

園殿。次詣

纛前。均行三跪九拜禮。六軍凱旋。

皇帝入都門。先詣

堂子行禮如儀。

命將出師。

皇帝率大將軍及隨征將士詣

堂子行禮。次拜

燹儀均與

親征同。凱旋日詣

堂子行告成禮。

以上詳見禮部軍禮。

凡祀

羣神之禮。建

凝和廟於

紫禁城之東。以奉

雲師之神。歲以秋分後三日致祭。建

宣仁廟於

紫禁城之東北隅。前殿奉

風伯之神。後殿奉

八風之神。歲以立春後丑日致祭。建

昭顯廟於

紫禁城之西。以奉

雷師之神。歲以立夏後申日致祭。建

時應宮於

紫禁城之西北隅。前殿奉

四海

四瀆龍神。中殿奉

京畿龍神。後殿奉

八方龍神。歲以季夏旬有三日致祭。均素羞香燭。

遣內府官行禮。○如遇亢旱。遣官祈雨。各

神位前。均陳帛一。果饌十有五盤。尊一。爵三。鑪一。

鐙二。祭日。設樂於西階下。

自迎神至望燎皆奏樂

日出前

二刻。遣官及執事官。皆雨冠素服詣

廟。內府贊禮郎二人。引遣官入

廟左門。贊引。贊盥洗。遣官盥手。畢。引升左階。進

殿左門。就正中拜位前北面立。典儀。贊執事官各

供廼職。贊引。贊就位。遣官就拜位。典儀。贊迎

神。樂作。司香奉香盤進。贊引。贊就上香位。引遣官

詣香案前。贊上香。司香跪奉香。遣官立上柱香。

次三上辨香。畢。贊復位。遣官復位。贊跪叩。興。遣

官行三跪九叩禮。典儀。贊奠帛爵。行初獻禮。司

帛。奉篚。司爵。奉爵。進至

神位前。司帛跪奠帛。三叩。司爵立獻爵。奠正中。皆

退。司祝詣祝案前。跪。三叩。奉祝版。跪案左。贊引

大清會典
贊跪遣官跪贊讀祝司祝讀祝畢奉祝版詣
神位前跪安於帛篚叩如初退贊叩興遣官行三
叩禮典儀贊行亞獻禮司爵獻爵奠於左贊行
終獻禮司爵獻爵奠於右儀均如初獻贊送
神贊引贊跪叩興遣官行三跪九叩禮典儀贊奉
祝帛詣燎所有司奉祝次帛次香恭送燎所引
遣官避立拜位西旁東面候祝帛過引復位祝
帛燎半贊望燎引遣官出望燎告禮成引退○
得雨後報祀陳帛一羊一豕一果實五盤餘同
祈告遣官及各執事官咸朝服行禮○建

城隍廟於

紫禁城內西北隅奉

禁城城隍之神建

永佑廟於

皇城西安門內奉

皇城城隍之神一如祭

都城隍廟之禮歲以

萬壽聖節並季秋遣內務府總管各一人致祭

萬壽聖節

神位前陳帛一羊一豕一果實五盤尊一爵三鑪

大清會典
一。鐙二。秋祭不設果實。陳劔二。簋各二。籩豆各十。餘同。祭日均設樂於西階下。自迎神至望燎皆奏樂

日出前二刻遣官具朝服詣

廟。內府贊禮郎二人引遣官入

廟左門。贊引贊盥洗。遣官盥手畢。引升左階。進

殿左門。就正中拜位前北面立。典儀贊執事官各

供廼職。贊引贊就位。遣官就拜位。典儀贊迎

神。樂作。司香奉香盤進。贊引贊就上香位。引遣官

詣香案前。贊上香。司香跪奉香。遣官立上柱香

次。三上瓣香畢。贊復位。遣官復位。贊跪叩興。遣

官行三跪九叩禮。典儀贊奠帛爵。行初獻禮。司

帛奉篚。司爵奉爵進至

神位前。司帛跪奠帛。三叩。司爵立獻爵。奠正中。皆

退。司祝詣祝案前。跪三叩。奉祝版跪案左。贊引

贊跪。遣官跪。贊讀祝。司祝讀祝畢。奉祝版詣

神位前。跪安於帛篚。叩如初。退。贊叩興。遣官行三

叩禮。典儀贊行亞獻禮。司爵獻爵奠於左。贊行

終獻禮。司爵獻爵奠於右。儀均如初。獻贊送

神。贊引贊跪叩興。遣官行三跪九叩禮。典儀贊奉

祝帛饌香詣燎所。有司奉祝。次帛。次饌。次香。恭

送燎所。引遣官避立拜位西旁。東面。候祝帛過。
引復位。祝帛燎半。贊望燎。引遣官出望燎。告禮
成。引退如儀。



